



Gratis Distribution

SIRD & PR MIZORAM NEWSLETTER

Vol. XV Issue No. 9 September, 2024 : Monthly SIRD & PR Newsletter, Mizoram : Aizawl

LAWRKHAWM

◀ Ni 23 - 27.9.2024 chung khan Ministry of Panchayati Raj (MoPR) leh Tranform Rural India tangdun chuan SIPRD, Assam-ah **5 Day Residential Faculty Development Programme**, a buatsaih a, he hun hi Prof SP Singh Baghel, Hon'ble Union Minister of State, Panchayati Raj, etc. chuan a hawng a ni.

He Programme-ah hian Mizoram a tangin Pu R. Vanlalmuanpuia, Faculty, ETC, Thingsulthliah; Pu K. Lalremruata, Faculty, ETC, Pukpui, Lunglei leh Pu Benjamin Vanlalruata, Adjunct Faculty, SPRC, SIRD&PR te an tel a ni.

◀ People's Plan Campaign 2024 for preparation of GPDP 2025- 2026 atana Special Gram Sabha-cum-Orientation Programme neih dan tur chungchangah ni 25.9. 2024 khan Pi Teresy Vanlalhruaii, Secretary to the Govt. of Mizoram, Local Administration Department kaihhruiiin Online-in Meeting neih a ni a, PPC atana tul leh pawimawh hrang hrangte sawiho a ni.

Virtual Training on PPC - 2024 for preparation of Thematic GPDP neih a ni

Local Administration Department (LAD) leh State Institute of Rural Development & Panchayati Raj (SIRD&PR), Mizoram buatsaihni ni 12 leh 13.9.2024 khan **“Virtual/Online Workshop/Training on People’s Plan Campaign – 2024 for Preparation of Thematic GPDP”** neih a ni a, Pi Teresy Vanlalhruaii, MCS, Secretary, Local Administration Department, Govt. of Mizoram chuan he Online Workshop/Training hi a hawng a ni.



Ni 12.9.2024 khan District Functionaries (DC) te tan neih a ni a, he Virtual/Online Workshop/ Training Pi Ethel Rothangpuii, Director, SIRD&PR, Mizoram kaihhruii-ah hian Pi Teresy Vanlalhruaii chuan thusawiin, hun chep tak kara he Workshop/Training District hrang hrang atanga attend-te chungah lawmthu sawiin, chibai a buk a. Mizoram leh State thenkhat Tribal awmnate chu Central sawrkarin Panchayati Raj System (PRI) hman lo-a mahni Tualchhung inrelbawlina hman min phalsak a, Mizoram pawhin Tualchhung inrelbawlina-ah Village Council (VC) kan nei a, amaherawhchu, State dangte angin

keimahni State sum atangin Tualchhung rorelna tichangtlung tur pawhin sum leh pai kan nei lo a, chuvangin, Central Sorkar sum hman kan ni a, Central Sorkar Scheme leh hmalakna ang zela hnathawk thei kan ni a, tunah pawh RGSA Scheme leh 15th Finance Commission Grant hman gin Tualchhung Rorelna pawh kalpui a ni. Chutihruai chuan Central Sorkar-in State zawng zawng te ang khat vekin min enkawl tawh si a, tuna GPDP kan kalpui turte pawh hi Panchayati Raj System hman i la chuan awlsam takin kan kalpui thei ang a, amaherawhchu, chutiang chu kan nih loh avangin (Phek 2-na-ah zawmna)

Editor-in-Chief: Ethel Rothangpuii, Director
Editor: Lalchhandama Lailung, Core Faculty (IT)
Jt. Editor : Malsawmdawngliana, IECM
Cir. Manager : Zothantluanga, IEC Facilitator

Editorial: 

MIPUITE TEL VE NA SIAM SAK

Sawrkhar laipui hian Thingtlang hma-sawwna thawhna kawng hrang hrang ah hian a chhawrtu tur mipuite an tel ngeia ruahmanna siam hi a ngai pawimawh hle mai a. Hemi avang hian Scheme/ Programme hrang hrang ah te pawh hian Mipui Vantlang Rorel Inkhawm (Gram Sabha) hi a ngai pawimawh hle a ni.

Ruahmanna leh hnawthawh tak takna ah hian mipuite tam zawka an tel hian neitu nihna thinglung an put theih phah thin a ni. A neitu chuan tha taka thawh a duh thin avangin tha zawk leh daih rei thei zawk tura hna thawh a nih theih nan Mipuite tam zawka an tel hi a pawimawh hle a ni.

Hmasawwna hna thawhna a mipuite tam zawka an inrawlh hian hna tha zawka thawh theih beisei a ni a. A enkawl zelna kawngah pawh a chhawrtu turte'n neitu rilru pu chungin an enkawlzui thei ang a, chu chuan hnawthawh a tihlo mai bakah an chhawr rei thei zawk dawn bawka a ni.

Hetih rual hian mipuite an tel a ngaihloh-na pawh tam tak a awm a, chung thilah chuan mipuite pawhin tel ve phet emaw, lo sawisel tum tal emaw lam ai chuan hmasawwna kawng a nih chuan a chhawrtu turte'n tha taka lo tawiawm a, venhim leh chhawr tangkai hi kan tum hram hram a pawimawh hle a ni.

Chhawr tangkai mang loh, a chhawrtu tur pawh awm manglohna, mi tlemte tan chauha chhawr theih ai chuan mipui tam zawkin an chhawr tangkai theih tur thil tha ngaihtuah chhuah kawngah pawh mipuite hian mawh-phurhna pawimawh tak an nei a ni tih hi mipuite pawh hian an hriat a tul hle mai. Chutiang ni lo a mipuite mamawh mangloh tute emaw hamthatna tur maia hmalak hi thil paw tak a nih avangin thuneitute pawh kan fimkhur a tha hle awm e.

(phek 1-na ami chhunzawmna)

Virtual Training on PPC - 2024 for preparation of Thematic GPDP neih a ni

harsatna lo awm deuh pawh ni se, taima tak leh uluk taka kan thawh a ngai dawn a ni, tiin he Online Workshop/ Training hi a hawng a ni.



Pu Chuahnnuna, Director, Local Administration Department chuan he Workshop/ Training-ah hian thu a sawi bawka.

Ni 13.9.2024 khan **Virtual/Online Workshop/ Training** hi Block Level Officials (BDO, etc.) ta tan buatsaih a ni bawka a ni.

Pu John Lalnunsanga, State Programme Manager, SPMU, LAD; Pu K. David Lalthanmawia, Sr. Faculty, SPRC, SIRD&PR; Dr. Rosangpuia, Sr. Faculty, SPRC, SIRD&PR; Pu Raymond Lalsangzuala, State Mission Manager, Social Inclusion and Social Development, MzSRLM ten zirtirna an pe a. Hemi hnu hian sawihona leh zawhna leh chhanna hun hman a ni.

District Level Convergence Mela nei

Panchayati Raj Institution (PRI) leh Community Based Organization (CBO) thawktute tana programme buatsaih, District Level Convergence on PRI CBO Convergence Project, DC Office, Khawzawl leh BMMU, MzSRLM, Khawzawl RD Block tangkawpin an buatsaih chu 4.9.2024 khan DC Conference Hall, Khawzawlah neih a ni a, Khawzawl DC, Pu K. Vanlalthiana chuan hun hmanpuiin, BDO, Pu Timothy R. Lalhman-gaiha chuan hun a kaihuai a ni.



VC By-Election Result

Ni 24.9.2024 khan Mizoram hmun hrang hranga Village Council 14-ah By-Election neih a ni a, result hetiang hi a ni:

District	VC hming	Elected Candidate	Party
Aizawl	Sihphir Venghlun	S. Lalnunpuia	ZPM
Lunglei	Bunghmun 'W'	ZD Lalbiaknunga	IND
Serchhip	New Serchhip North	H. Lalengzauva	ZPM
	Serchhip-III (Chhim Veng)	PC Siamliana	IND
Champhai	Khuangthing	Thahmingthangi	ZPM(Res)
	Leisenzo	K. Kapliana	ZPM
	New Champhai	Zothantluangi	INC
	Ngur	Hrangsaipuia Sailo	MNF
		Lalthansanga	MNF
Lalammawia		ZPM	
Langsuanpauva		ZPM	
Dimlangi	MNF(Res)		
Mamit	Damparengpui-I	M.S. Liana	MNF
Kolasib	Nisapui	Zodinpuia	MNF
	Kolasib Saidan	C. Rothangi	MNF
Khawzawl	Chawngtlai	Lalhmutiluanga	INC
		PC Sangzawna	MNF
		Biakremmawii	ZPM(Res)
		Lalnunsanga	ZPM
	HC Lalrinenga	ZPM	
Khawzawl Dinthar	Lalhmingsanga	ZPM	
Hnahtial	Hnahtial South - II	V. Lalduhawma	ZPM

MGNREGA Social Audit nei

Serchhip District chhungah Mizoram Society for Social Audit and Transparency (MSSAT) hnuai Social Audit Unit te chuan an Director Pi C.Laltleipuii hoin ni 12 - 24.9.2024 chhung khan khaw 18-ah Social Audit an nei.

RD Department hnuai hnathawh hrang hrangte langtlang tak, dik tak leh mipui tana chhawrahawm lehzuala kalpui a nih theih nan Social Audit Unit-te hian MGNREGA, PMAY-G, NSAP, etc. hnuai hnathawhte an endik thin a. Vantlang Rorel Inkhawm (Gram Sabha) kaltlangin an hnathawhte chu kum khatah vawi hnih Audit neih thin a ni.

Sialsuk-in Best Tourism Village lawmman la

Ministry of Tourism, Govt of India-in World Tourism Day denchhena a buatsaih 'Best Tourism Village Competition 2024' ah Sialsuk khua chuan category 5 zinga pakhat "Community Based Tourism" ah Best Tourism Village lawmman an la a, lawmman hi ni 27.9.2024 khan World Tourism Day lawmna New Delhi-a neihah Jagdeep Dhankhar, Vice President of India leh Gajendra Singh Shekhawat, Union Minister, Tourism and Culture te chuan an hlan a, Bialtu MLA Baryl Vanneihsang Tlau leh Dr. Lalrozama, Secretary Tourism ten Sialsuk khaw aiawhin an dawng a ni. He intihsiakna ah hian State 30 atangin khaw 991 an inlan a, chung khaw 991 te chu category hrang hrang pariat (8) ah thliar leh niin chuta tang chuan khaw 36 te chu lawmman la tura thlan chhuah leh an ni.



Sialsuk khua-ah hian mi cheng 2370 awmin, chungkaw 27-in tourism kaihnawihin ei an zawng a ni. Tourism atanga sum lut za a sawm hi an khaw Health Care tihchangtlun nan an hmang thin a ni. Sialsuk-ah hian homestay 10 awmin, khum 30 a awm a, kum khat chhungin mi 15000 atanga 20000 velin Sialsuk hi an tlawh thin anga chhut a ni. Siaksuk Village Council kaihhruaina-in Sialsuk Tlang Committee (Sialsuk Eco-tourism Development Committee) din a ni a, anni hian tourism tih hmasawna tur kawng hrang hrang an dap thin a ni.

MLA leh Tourism Secretary te hi Mizoram atangin Pi Rachel Lalrinhlui, Deputy Director, Tourism, Pu R. Lalruatkima, Village Council President leh Pu Lalmuanchhana, Village Council Member, Sialsuk te'n tawiawm a ni.

RAM LEH HNAM HUMHALH

- K. David Lalthanmawia
Sr. Faculty, SPRC, SIRD&PR

Mizote hi tawngka leh ziaka Ram leh Hnam hmangaih ber kan ni hial awm e. Social media-ah leh a mihlim thlengin Ram leh Hnam hmangaihna a ri ring thin. Amaherawhchu, zepnak emaw vawiin thlengin hlawhtlinna tluantling/duhthusam kan la hmu hrih lo chu a ni phawt mai. Hei hi engvang nge ni ang tiin han inzawt ta ila, a chhanna tur ni awma lang chu ram leh hnam humhalhna tehna/buklung kan neih loh vangte pawh a ni mai thei. Miin ram leh hnama hmangaih leh hmangaih loh chu an thiltih atangin kan teh tur a ni. A tehfung emaw a bukna lung tur rintlak kan buatsaih a ngai hle awm e. Eng vangin maw? Ram leh Hnam humhalh kan tih hian ruihhlo do ringawt hi a ni lo tih kan hriat thar a, kan man fuh hi ava'n ngai tawh tak zet em! Ram leh Hnam humhalh tehna/bukna pawmnaawm tak a awm chuan hmalatute tan hmalak a awlsam ang a, Mizoram dung leh vanga ram leh hnam humhalhna rualkhai (uniformity) a awm ngei ngei dawn a ni. A pawimawh ber zawk chu tu pawh/eng mi pawhin emaw eng hnam pawhin Mizoram hi a hmangaih chuan ring ngam ila. Ram leh Hnam a hmangaih tak tak leh tak tak loh chu a thil tih atangin teh/buk tawh zawk ang u, tiin kan thupua kan luh chillh tak tak hmain a kamkeu nan han ti phawt teh ang.

Ram leh Hnam humhalhna kawnga thil pawimawh em em te chu :

1. Dan zah leh zawm hi ram leh hnam humhalhna kawnga thil pawimawh hmasa ber a ni:

Dan zah leh zawm hi ram humhalhna bul leh atawp pawimawh em em a ni. Ram leh Hnam hmangaihna avangin Dan pela han chet ngaih chang a awm mai thei e. Amaherawhchu, a nawlpuiin dan zah leh zawm that mai te hian ram leh hnam kan humhalh tha hle a ni tih kan hriat fuh thiam a ngai. He mi awmzia chu mi zawng zawngin kan phak tawh theuhah ram leh hnam hi kan humhalh thei vek a, kan hmangaih em em vek tih te pawh hi han inhrilh nawn ta ila.

Kan ramin harsatna leh buaina hrang hrang a hmachhawn mek hi a nihna takah chuan dan leh hrai zah loh vang leh zawm lohin a hrin chhuah vek a ni ti ila, kan sawi soal lo ang. Dan hi zah ila chuan ruihhlo kan zuar lo ang. Dan loin Mizo hming kan hawhtir lo ang. Dan loin voters ID kan pe chhuak lo ang. Kan eiru lo bawh ang. Thil tha zawk lo chhuah nan Dan hrula chet a lo ngai a nih pawhin thawkaphita lek lam reng chu a him lo tih erawh kan hriat tel a tha ang. Ram leh Hnam humhalhna Dan hrang hrang kan nei nual mai. Article 370 (G) te hi tun ai hian a zau thei ang berin inhrilh nawn in, a zirin inzirtir tha leh ila. A chungka kan sawi ang khian ram leh hnam humhalhna tha ber chu dan zawm hi a ni.

2. Zirna leh Zirtirtu:

Zirna hi kawng engkimah hmanraw pawimawh tak a ni a. Zirna tel lo chuan engkim mai hi a khingbai vek emaw tih mai tura pawimawh a ni. *Malcolm X-a chuan "Education is the passport to*

the future, for tomorrow belongs to those who prepare for today" a ti hial. Zirna hi kan tu leh fate

chenna tlaka ram leh hnam lo inbuatsaihna kawng pawimawh tak a ni a. Zirna lungphum tha tak kan neih hi thil pawimawh tawpkhawk a ni. Chutiang thleng thei tur chuan zirtirtu hi an pawimawh hle. Zirtirtu tha chuan ram leh hnam hmangaihna thinlung naupangah leh puitlingah a puttir thei a, hnam dang hmuhsit si lo a, mahni ram leh hnam ngaihsanna rilru leh thinlung puttir theitu a ni. Vawi khat chu hnam dang MZU senior professor pakhat hnenah class lak apianga minute 5 chung tal chauh, Mizo naupangte hnenah "right attitude" lam hi lo hrilh thin turin ka ngen a. Chu professor chuan mak a tiin tha a tih zawng tak a lo ni ve chek a ni ang, ka ngen anga a lo tih thin thute chu min hrilh leh in, lawmthute min hrilh letling zawk hial.

Zirna In leh Zirtirtute hi ram leh hnam humhalhna peng pawimawh tak an ni tih hi kan hriat thar a pawimawh. Ram leh Hnam hmangaih dan dika naupang atanga kan inzirtir chuan nakin zelah ram hruaitu lu ber emaw NGO/CSO vela khai pate an la rawn nih hunah an naupanlaia ram leh hnam hmangaih dan dik, zirtirtuten an lo hrilh thin kha hman tangkai hunah atakin an bengah a rawn ri chhuak leh ang.

3. Pian pun leh Chhawmdawlina:

Tam ve hrim hrim hi ropuina chi khat leh ram humhalhna tha tak a ni a. Engtin nge kan tam ringawt ang? Hei hi zawhna awm thei tak a ni. Kan inzirtira mahse hlawhtlinna tak tak a la awm chuang hrih lem lo tih chu kan hre tlang vekin a rinawm. Kan pian pun duh lohna chhan tak te chu ei leh bar zawhna *(phek lehlamah zawmna)*

(phek lehlam ami chhunzawmna)

RAM LEH HNAM HUMHALH

harsat tawh vang te, naupang zirna hautak vang te, damloh hritlana inenkawlana senso tam lutuk vang te, pasal neih har lutuk vang te, nawmchen thlakhlelh lutuk vang te, ruihhlo duh lutuk vang te hi a ni awm e. Hetiang hi kan nih si chuan **kohhran hrang hrang thalaite kum over bituk hi pawt hma deuh hret ila**. Nupui pasal innei mai ila tun ai hian kan piang pung thei deuh ang. Hmeichhiain kum 40 dawnah pasal an han nei a, fa neih tam chu a harsat ve tawh viau ang. Tin, piang pung turin mi kan duh tak tak chuan fa nei tamte chhawmdawlana tha deuh chhawpsak ve ila. Fa pali chunglam neite chu an fate pahnih tal sorkar leh kohhran school-ah BA an zawh thlengin free education leh scholarship pek an ni ang tih ni se. Hei bakah hian hmun nei lo pek te, in hmun nei sakna nei lo in sak sak te, tin, sorkar damdawi inah a thlawna nau neih te thlengin chhawmdawlana itawm tham han zawrh thei ila. Hei ai hian piang pung tura inzirtirna te hian awmzia a nei deuh ang.

4. Khawtlang huap pawl hrang hrangte leh tualchung roreltute ram leh hnam humhalna kawnga an hriatna leh theihna tihpunna Capacity Building & Training buatsaih:

Mi tam takin CB&T hi kan hlamchhiah fo thin. Engvangin nge company lian tak tak hian an budget atangin R&D ah pawisa an thap ngam viau thin kan tih chuan, a rah chhuah tur an hriatlawksa avangin an sum sen zozai chu sum khawhralnaah ngai loin, capital expenditure ah an ngai zawk tih kan hriat kha. Chuvangin, Mizoramah pawh hian ram leh hnam humhalhna kawngah YMA Branch OB chin tal te, Local/Village Council te, Tualchungna eminent citizen te capacity building hi ngaih pawimawh a neih a tul hle. Tin, Law enforcement-te thlengin an capacity building hi ngaih pawimawh theih ni se. Heta trained chhuak lo te phei chu Kumpulan Committee member-ah te hian telh loh ngam ni se. Kumpulan Committee member zawng zawngte capacity build hi a hautak deuh anih pawhin branch tin atangin trainer tur mi 3/4 vel train chhuakin, heng train chhuahte hian mahni branch theuhah training an lo pe ve leh ang, cascading mode in. Ram leh Hnam humhalhna-in awmzia a neih theih nan a ral hmatawng tak takte capacity building hi ngaih pawimawh hmasak berah neih a tul tak zet zet a ni.

5. Ram leh hnam humhalhna tura tehfung neih a tul:

Ram leh hnam humhalhna tehfung ang reng deuh hi kan neih a tul hle. Ram leh hnam humhalh

tih avanga ruihhlo chauh do tumna rilru hi a awm ve thei awm e. A tehfung hrang hrang a awm thei ang. A then chuan ram leh hnam hmangaihnaah hian a tehfung a awm thei lo ti pawl pawh kan awm mai thei e. Amaherawhchu, Mizoram pumah ram leh hnam humhalhna rualkhai zawk a awm theih nan tehfung tha tak a awm ngei a ngai a ni.

6. Mizoram pumhuapa Ram leh Hnam humhalh thate ropui taka lawm & lawmpuina hun buatsaih:

He tehfung hmanga kumpulan committee hmalakna tha emaw bawhzui tha kan tihte chu sawi hat khawpa lawmna ropui ruahman ila. A lawmman semna hun te thlengin ropui takin buatsaih ila. Hei hian YMA branch hrang hrangah inelna thianghlim a rawn chawk nung ang a, kumpulan committee hmalakna peng hrang hrangte chuan tun ai hian thlawp a hlawh lehzuol dawn a ni. Tin, hetiang hian tehfung a awm tawh chuan district hrang hranga kumpulan hmalaknate pawh a inkhairual tawh ang. He tehfung hi kan chhang anih pawhin kan chhannate chuan behchhan rintlak nei se la. Data rintlak tak kan neih theih nan engmah khi rinthu in chhang lo ngam bawh ila a duhawm hle. He tehfung hian in nghahna pawimawh deuh deuh a nei a. Zirna, sumdawnna, dan leh hrai inhrilhna, Zu, Damdawi ruihhlo leh a kumpulan committee bik chungchangte an ni a. Hei bak thil tam tak a awm thei awm e. Hei hi a entirna pakhat ah ngai ta ila.

7. Ram leh Hnam tan "Land Ceiling Act":

Hei hi kan kalpui ngei ngai: A khal kan ti talh talh mai thei. A dik a khal, amaherawhchu, ram leh hnam humhalhna kawnga kan tih ngei ngei ngai si a ni. Zawhna awm thei ta chu hei hian eng nge ram leh hnam humhalhna nena inkungkaihna a neih le? A chhan lian tak pakhat chu mahni enkawl sen loh ram zau pui pui kan nei thluah hlawm a, he ram enkawl loh awm mai mai hi thenawm state mipui pung thur thurte khuan an it em em tih hriat a hun hle. Heng ring lo mite neih mai mai tur ai chuan kan rama in leh lo nei lo te tan thehsak turin sorkarin lalet vek se. A hmalama kan sawi tawh ang khan sorkar leh NGO tangrualin ram leh hnam humhalhnaa pawimawh pian pun, tha taka kalpuitu Fa nei tamte chhawmdawl nan, in leh lo nei lo te thehsak turin Land Ceiling Act hi hman a tul viauin ka hria. Hei hi kan ram leh hnam damna tur pakhat pawh niin ka hria.

(phek 7-naah zawmna)

Ni 19.8.2024 - 6.9.2024 chungga Training neihte



Trg. on Accounts and Record Keeping for WATSAN Members of Bunghmun RD Block @ ETC, Pukpui. Course Director: Pu F. Vanlalzama, Faculty, ETC, Pukpui.



Trg. on Accounts and Record Keeping for WATSAN Members of Ngopa RD Block @ Ngopa. Course Director: Pu K. Lalbuatsaiha, Faculty, ETC, Thingsulthliah.



Trg. on Account & Records Keeping for WATSAN members of Khawzawl Dist @ BNRGSK Hall Khawzawl,. Course Director: Pi V. Lalmangaihi, Faculty, ETC, Thingsulthliah



Trg. on Account and Record keeping for WATSAN, Lunglei RD Block Batch I. Course Director: Pu K. Lalremruata, Faculty, ETC, Pukpui.



Trg. on Accounts and Record Keeping for WATSAN Members of Champhai District @ CHANEM Building, Champhai. Course Director: Pu Lalthanmawia Ralte, Principal, ETC, Thingsulthliah.



Trg. on Accounts and Record Keeping for WATSAN members of Hnahtial RD Block @ Hnahtial. Course Director: Pu F. Vanlalzama, Faculty, ETC, Pukpui.



Trg. on Accounts & Record keeping for WATSAN members @ BNRGSK Hall, West phaileng. Course Director: Pu John Lalmuankima, Faculty, ETC, Kolasib.



Trg. on Accounts and Record Keeping for WATSAN Members of Khawbung RD Block @ Khawbung. Course Director: Pu R. Vanlalmuanpuia, Faculty, ETC, Thingsulthliah.



Trg. on Accounts and Record Keeping for WATSAN Members of Phullen RD Block @ Phullen. Course Director: Pu K. Lalbuatsaiha, Faculty, ETC, Thingsulthliah.



Trg. on Accounts and Record Keeping for WATSAN Members of Thingdawl RD Block @ ETC, Kolasib. Course Director: Pi T. Lalchhanhimi, Faculty, ETC, Kolasib.

Ni 19.8.2024 - 6.9.2024 chhunga Training neihte

(phek 5-na ami chhunzawmna)

RAM LEH HNAM HUMHALH

Mi tam takin fa neih tam an duh lohna chhan lian tak pakhat chu zirna hautak lutuk vang leh ei leh bar zawmna awlai tawh loh em avang te, damloh hritlana inenkawlna hautak lutuk tawhte avangin fa neih tam hi an duh lo tlangpui tawh a ni. Eng ang pawhin kohhranin piang pung turin min fuih min fuih mahse min chawmpui dawn tlat lo tih kan hriat theuh avangin kan nei tam duh lo a ni. Hei vang tak hian ram leh hnam kan humhalh duh a, a lu nunga tam hrim hrim hi ram leh hnam humhalhna chikhata kan ngaih bawh chuan "Land Ceiling Act" hi kan kalpui a ngai. Ram leh hnam hmangaihna au thawm hria a, zawm a, fa nei tam te hnenah a thlawnin sorkarin he dan hmanga ram a neih let-te chu pek an ni ang. Hetiang kan tih chuan kan piang pung ngei ngei ang.

8. Mizoram Environment leh Biological Diversity ngaih pawimawhna inzirtir:

Kan leilung hausakna kan ramngaw leh nungchate hi khuanu min pek, khawvel sumin a lei theih loh hi kan tu leh fate piangtawh leh la rawn piangzel turte chenna tlakin tun atang hian ruahmanna kan neih a ngai hle. Vawiinah hian kan tourist hian engnge kan ramah hmuh an beisei? An beisei chu kan boruak thinghlim, sik leh sa la inbuk tawk em em mai te hi a ni. Hei hi kan ram asset neih ve chhun chu a ni. Chuvangin, ram leh hnam humhalh kan sawi hian kan environment leh biological diversity tichhia emaw tibawrhbang thei emaw tam tak lakah kan vengin kan humhalh hram hram a ngai tak zet ta a ni. Kan inhumhim nan kan ramngaw, nungcha leh an chenna khawvel hi kan humhim a ngai.

Tuna kan sawi chin bak pawh hi Ram leh hnam humhalh dan tur tha tak tak hriattur leh chhiar tur tam tak a awm in ka ring. Amaherawhchu, tuna kan sawi thenkhatte hi chu kan ram, kan hnam humhalh kan duh tak zet anih chuan kan hman nghal theih deuh vek an ni hlawm. Zoram lo hi Jerusalem dang kan nei lo, kan nei leh ngai tawh lo bawh ang. Chuvangin, a humhim chu nang leh keia mawhpurhna a ni. I ram, I hnam humhim turin in peih rawh le.

Kan ramin hma a sawn theih nan mipuite hian kan theihna zawn theuhah pawimawhna leh tangkaina kan nei vek a ni tih i hre reng ang u.



Trg. on Capacity Building for VLAAs within Kolasib District under MGNREGA @ SIRD&PR. Course Director: Dr. MS Dawngliani, Associate Professor, SIRD&PR.



Trg. on LSDGs Theme-5 (Clean and Green Village) for Sangau RD Block @ BDO Conference Hall, Sangau. Course Director: Er. LR Lalrinmawia Hnamte, Head Faculty, DPRC, Kolasib.



Trg. on LSDGs Theme 5 (Clean and Green Village) for VC members of Bungtlang South RD Block. Course Director: Dr. H. Rosangpuia, Faculty, SPRC, SIRD&PR.



Trg. on Accounts and Record Keeping for WATSAN Members of Siaha RD Block. Course Director: Pu Malsawmtluanga Fanai, Principal, ETC, Pukpui.



Orientation Programme on GPDP-PPC for Faculty Members of SIRD&PR, Mizoram. Course Director: Er. Zomawia Hauhnar, Sr. Faculty, SPRC, SIRD&PR.

Mizoram VC Bill, 2024 chungchang sawiho

Secretariat Conference Hall, MINECO-ah 'The Mizoram (Village Councils) Bill, 2024' enhona thutkhawm, tum hnihna chu Pu C.Lalsawivunga, Minister, Local Administration Department kaihhruiain ni 30.8.2024 khan neih a ni.



He thutkhawmna-ah hian Pi Teresy Vanlalhrauii, Secretary, LAD chuan 'The Mizoram (Village Councils) Bill 2024' chungchang sawi zauna hun a hmang a. LAD-a thawktute, Drafting Committee member, Political party leh tlawmngai pawl aiawhte he hun ah hian an tel a ni.

Pu C. Lalsawivunga chuan thingtlang lam khuate tihhmasawna tur te, mahni inrelbawl thei tura thuneiha pek te leh khawtlang tana hmathatna hrang hrang awmte chak zawka kalpui a nih theih nan 'The Mizoram (Village Councils) Bill, 2024' chu ruahman a nih thu a sawi a. Khawtlang tihhmasawn nana inkaihhruiaina tur a nih dawn avangin uluk taka zirchian leh sawiho a pawimawh thu sawiin, Consultative Committee thutkhawm hmasa thu rel bawhzui a, chak taka hmalatu, 'Drafting Committee' te inpekna lawmawm a tih thu a sawi bawk.

The Mizoram (Village Councils) Bill, 2024-ah hian VC din a nih theih dan te, VC member bituk zat te, VC hruaitu thlan dan te leh inthlanna chuh tura thil ngai hrang hrangte a awm a. VC thuneiha te leh hmasawna hnathawh kawnga inkaihhruiaina leh mawhphurhna te a chuang a ni. He hun-ah hian The Mizoram (Village Councils) Bill, 2024 hi uluk taka zir leh sawiho a ni.

LAD Minister-in Sorkar Laipui Minister dawr

Sorkar laipui dawra Delhi-a kal LAD Minister Pu C. Lalsawivunga chuan ni 24.9.24 khan Ministry of Panchayati Raj changtu Pu Ranjan Singh chu a Pisa-ah hmuin, Local Administration Department mamawh te an sawi dun a, Mizoram LAD Minister hian VC-te enkawlina atana Central Scheme - Rastrya Gram Swaraj Abhiyan (RGSA) chungchang thlenin, 2024-25 atana Central in budget min pawmsak Rs. 103.11 crore atanga 50% chu RGSA guidelines anga release sak thuai turin a ngen a, hei hi Union Minister chuan lo release sak thuai a tum thu a ni. He scheme hnuaiha hian VC House sakna turte, thingtlang khuua Common Service Centre dinna turte, VC te khawtlang rorelna kawnga an thiamna leh hriatna tipung tura training pekna tur fund te, District Panchayat Resource Centre sakna turte leh thildang pawimawh tak tak a tel a ni. Heng bakah hian VC ten khawtlang hmasawna hna an kalpuina tur Rural Local Body Grant chungchang te an sawidun bawk.



Ni 27.9.2024 khan LAD Minister Pu C Lalsawivunga hian Union Minister for Finance Pi Nirmala Sitharaman hnenah 15th Finance Commission hnuaiha Rural Local Bodies Grant Mizoram kum 2022-23 chhunga a pawisa dawn tur chu, 1st installment chiah ala dawn thu leh, hemi avanga VC (Rural Local Bodies) ten harsatna an tawh mek thu a thlen a, 2nd Installment pe thuai turin Union Minister hi a ngen a ni.

Published by Ethel Rothangpuii on behalf of State Institute of Rural Development & Panchayati Raj, Mizoram, Durtlang Leitan, PIN - 796015.

Phone : (0389) - 2362551; e-mail: dirdmz@gmail.com; Website: sirdpr.mizoram.gov.in.
facebook.com/SIRDPRMizoram; instagram.com/sirdpr_mizoram; youtube.com/user/dirdmz.

Funded under RGSA through Local Administration Department (LAD), Govt. of Mizoram.

Printed at Ebenezer Offset, Luangmual, Aizawl.